



Index Librorvm Prohibitorvm Alexandri VII

Alexander

Romae, 1667

Pius Papa IV. Ad perpetuam rei memoriam.

[urn:nbn:de:hbz:466:1-81440](https://nbn-resolving.org/urn:nbn:de:hbz:466:1-81440)

PIUS PAPA IV.

Ad perpetuam rei memoriam.



DOMINICI Gregis custodia Domino disponente, prapostis, vigilis more Pastoris, non desistimus, ipsi gregi ab imminuentibus periculis, quanta maxima possumus cura, & diligentia prapauere, ne propter negligentiam nostram pereant oves, quæ pretiosissimo D. N. Iesu Christi sanguine sine redemptæ. Et si autem quæ ad fidei veritatem patefaciendam & ad horum temporum hæreses confutandas pertinebant, in OEcumenico & Generali Concilio Trid. S. Spiritus assistente gratia, nuper adeo enucleatæ ac definitæ fuerunt, ut facile iam sit unicuique sanam Catholicamque Doctrinam à falsâ, adulterinâque internoscere: tamen cum Librorum ab Hæreticis editorum lectio, non modò simpliciores homines corrumpere soleat, verum sæpè etiam doctos, eruditosque in varios errores, & à veritate fidei Catholicæ alienas opiniones inducere; huic quoque rei esse proximè providendum. Cum autem aptissimum ei malo remedium esse sciremus, si componeretur, atque ederetur Index, siue Catalogus Librorum, qui vel Hæretici sint, vel de hæretica pravitate suspecti, vel certe Moribus, & pietati noceant: id negotium ad sacram Tridentinam Synodum reieceramus. Ea verò ex tanta Episcoporum, & aliorum doctissimorum Virorum copia delegit, ad eum conficiendum Indicem, multos cum doctrina, tum iudicio insignes Prælatos, ex omnibus ferè Nationibus: qui quidem non sine maximo labore, plurimisque vigilijs eum Indicem tandem, Deo iuvante perfecerunt, adhibitis etiam in consilium lectissimis quibusdam Theologis. Peracto autem Concilio, cum ex ipsius Synodi decreto, is Index Nobis oblatus fuisset, ut ne ante ederetur quam à nobis approbatus fuisset; Nos doctissimis quibusdam, probatissimisque Prælatibus eum accuratissimè legendum, examinandumque tradidimus, & ipsi etiam legimus. Cum igitur eum magno studio, acri iudicio, diuturna cura confectum; & præterea commodissimè digestum esse cognoverimus: Nos saluti animarum consulere, eamque ob causam providere cupientes, ne libri, & scripta cuiuscunque generis, quæ in eo improbantur, siue ut hæretica, siue ut de hæretica pravitate suspecta, siue ut pietati, ac morum honestati inutilia, aut aliqua correctione saltem indigentia, post hac à Christianis fidelibus legantur: ipsum Indicem, vna cum regulis ei prapostis, auctoritate Apostolica tenore præsentium approbamus, imprimique ac divulgari, & ab omnibus Vniuersitatibus Catholicis, ac quibuscunque alijs, ubique suscipi, easque Regulas observari mandamus, atque decernimus.

Inhi-

INDICES
Librorum
PROHIBITORI
E. V.
= 4.

Inhibentes omnibus, & singulis tam Ecclesiasticis personis, Sæcularibus, & Regularibus, cuiuscunque gradus, ordinis, & dignitatis sint, quàm Laicis, quocunque honore, ac dignitate præditis, ne quis contra earum Regularum præscriptum, aut ipsius prohibitionem Indicis, Libros ullos legere, habere audeat. Si quis autem adversus eas Regulas, prohibitionemque feceritis quidem, qui Hæreticorum Libros, vel cuiusvis Auctoris scripta propter hæresim, vel falsi dogmatis suspicionem damnata, atque prohibita legerit, habueritve, ipso iure in excommunicationis pœnam incidat, eamque ob causam in eum, tanquam de hæresi suspectum inquiri & procedi liceat: præter alias pœnas super hoc ab Apostolica Sede, sacrisque Canonibus constitutas. Qui autem Libros alia de causa prohibitos legerit habueritve; præter peccati mortalis reatum, Episcoporum arbitrio severè se noverit puniendum: Non obstantibus Constitutionibus, & Ordinationibus Apostolicis contrariis quibuscunque, aut si quibus communiter, vel divisim, ab eadem sit Sede indultum, ne excommunicari possint, per Litteras Apostolicas non facientes plenam, & expressam, ac de verbo ad verbum, de indulto huiusmodi mentionem. Ut hæc autem ad omnium notitiam perveniant, neque quis excusatione ignoracionis uti possit, volumus, & mandamus, ut hæc Littere per aliquos Curiae nostrae Cursores in Basilica Vaticana Principis Apostolorum, & in Ecclesia Lateranensi tunc, cum in eis populus, ut Missarum solemnibus intersit, congregari solet, palam, & clara voce recitentur; & postquam recitate fuerint, ad valvas earum Ecclesiarum, itemque Cancellarie Apostolicæ, & in loco solito Campi Floræ affigantur; ibique ut legi, & omnibus innotescere possint, aliquantisper relinquantur. Cum autem inde amovebuntur, earum exempla in iisdem Locis affixa remaneant. Nos enim per recitationem hanc, publicationem, & affixionem, omnes, & singulos, qui his Literis comprehenduntur, post tres menses, à die publicationis, & affixionis earum numerandos, volumus perinde astrictos, & obligatos esse, ac si ipsismet illæ editæ, lectæque fuissent. Transumptis quoque earum, quæ manu alicuius publici Notarij scripta, subscriptave, & sigillo, ac subscriptione alicuius Personæ in dignitate Ecclesiastica constitutæ munita fuerint, fidem sine ulla dubitatione haberi mandamus, atque decernimus. Dat. ROMÆ, apud Sanctum Petrum, sub Annulo Piscatoris, die XXIIV. Martij. M. D. LXIV. Pontificatus Nostri Anno Quinto.

Antonius Florebello Lavellinus.

Index Prohib. Rom.

CLEMENS